

سمفنا كمرديكائن نكارا ك-58

الْحَمْدُ لِلَّهِ رَبِّ الْعَالَمِينَ حَمْدًا يُؤَافِي نِعْمَهُ وَيُكَافِي مُزِيدَهُ، يَا رَبَّنَا لَكَ  
الْحَمْدُ، كَمَا يَنْبَغِي لَجَلَالِ وَجْهِكَ وَعَظِيمِ سُلْطَانِكَ، فَلَكَ الْحَمْدُ قَبْلَ  
الرِّضَا، وَلَكَ الْحَمْدُ بَعْدَ الرِّضَا، وَلَكَ الْحَمْدُ إِذَا رَضِيتَ، وَفِينَا دَائِمًا  
سَرْمَدًا إِلَى يَوْمِ الدِّينِ.

اللَّهُمَّ صَلِّ وَسَلِّمْ عَلَى سَيِّدِنَا مُحَمَّدٍ فِي الْأَوَّلِينَ، وَصَلِّ وَسَلِّمْ عَلَى  
سَيِّدِنَا مُحَمَّدٍ فِي الْآخِرِينَ، وَصَلِّ وَسَلِّمْ عَلَى سَيِّدِنَا مُحَمَّدٍ فِي كُلِّ  
وَقْتٍ وَحِينٍ، وَصَلِّ وَسَلِّمْ عَلَى سَيِّدِنَا مُحَمَّدٍ فِي الْمَلَاِ الْأَعْلَى إِلَى يَوْمِ  
الدِّينِ، وَصَلِّ وَسَلِّمْ عَلَى جَمِيعِ الْأَنْبِيَاءِ وَالْمُرْسَلِينَ، وَعَلَى الْمَلَائِكَةِ  
الْمُقَرَّبِينَ، وَعَلَى عِبَادِكَ الصَّالِحِينَ مِنْ أَهْلِ السَّمَوَاتِ وَالْأَرْضِينَ.

وَارِضَ اللَّهُمَّ تَبَارَكَ وَتَعَالَى عَنْ سَادَاتِنَا وَهُدَاتِنَا وَأَنْمَتِنَا أَبِي بَكْرٍ وَعَمْرٍ  
وَعُثْمَانَ وَعَلِيٍّ وَعَنْ سَائِرِ أَصْحَابِ رَسُولِ اللَّهِ أَجْمَعِينَ، وَعَنْ التَّابِعِينَ  
وَتَابِعِي التَّابِعِينَ، وَمَنْ تَبِعَهُمْ بِإِحْسَانٍ إِلَى يَوْمِ الدِّينِ، وَاحْشُرْنَا وَارْحَمْنَا  
مَعَهُمْ بِرَحْمَتِكَ يَا أَرْحَمَ الرَّاحِمِينَ.

اللَّهُمَّ اجْعَلْنَا يَا مَوْلَانَا لِأَلَائِكَ ذَاكِرِينَ، وَلِنَعْمَائِكَ شَاكِرِينَ، وَعَلَى  
قَضَائِكَ وَبَلَاءِكَ وَقَدْرِكَ مِنَ الصَّابِرِينَ، وَمِنَ الْحَلَالِ مَرْزُوقِينَ وَعَنِ  
الْحَرَامِ مَعْصُومِينَ، وَفِي الْجَنَانِ مُنْعَمِينَ، وَعَنِ النَّيْرَانِ مُبْعَدِينَ، وَإِلَى  
وَجْهِكَ وَوَجْهِ نَبِيِّكَ مُحَمَّدٍ صَلَّى اللَّهُ عَلَيْهِ وَسَلَّمَ يَا رَبِّ نَاطِرِينَ  
وَمُتَمَتِّعِينَ، رُدُّنَا اللَّهُمَّ إِلَيْكَ مُرَدًّا جَمِيلًا (3 كالي)

Ya Allah!

Dengan limpah rahmat dan kurnia-Mu, kami memohon agar majlis Sambutan Ambang Kebangsaan 2015 negara kami yang ke-58 pada malam ini, dilimpahi dengan keberkatan dan keredhaan-Mu.

Ya Allah, ya Razzaq!

Kami merafak setinggi-tinggi pujian dan kesyukuran ke hadrat-Mu di atas nikmat kemerdekaan yang Engkau anugerahi kepada kami. Kurniakanlah kami semangat untuk terus mengisi kemerdekaan ini dengan perkara yang Engkau redhai. Lindungilah kami daripada segala kesulitan dan keaiban, serta hindarilah kami daripada segala kemaksiatan.

Ya Allah, Ya Rahman,

Suburkanlah dalam sanubari kami, rasa cinta dan sayang kepada bumi Malaysia, tanah bertuah dan berdaulat serta tempat tumpahnya darah kami. Jadikanlah kami dalam kalangan ummat yang tidak akan lupa kepada akar bangsa; ummat yang mendahulukan agama, kepentingan tanah air dan negara Malaysia yang tercinta, melebihi kepentingan peribadi sendiri. Jadikanlah rasa cinta kepada tanah air ini, sebagai pahala yang akan memberatkan timbangan amal kami di akhirat nanti.

Ya Allah, Ya Jabbar ,

Kami berlindung denganMu daripada kejahatan dan tipu daya musuh. Engkau lemparkanlah rasa gerun di hati musuh terhadap kami, agar terhenti segala usaha mereka untuk menggugat kerukunan hidup di tanah air kami sendiri. Ya Allah, kekalkanlah kedaulatan Malaysia, dan bantulah kami untuk meletakkan negara ini pada kedudukannya yang terbaik dan cemerlang.

Kami bermohon kepadaMu ya Allah, agar Engkau membimbing kami menjadi rakyat malaysia yang mensyukuri nikmat kemerdekaan, menghargai nilai persaudaraan dan memelihara perpaduan masyarakat yang berbilang bangsa dan agama di negara ini. Suburkanlah nilai sehati sejiwa dalam diri kami rakyat malaysia yang mencerminkan kesepaduan, kesefahaman, kekitaan dan kemanusiaan dalam mendepani segala cabaran, ujian, musibah, pengorbanan dan harapan.

Ya Allah! Engkau yang Maha Melindungi ,

Selamatkanlah dan lindungilah kami daripada segala fitnah perpecahan dan persengketaan, wabak penyakit dan apa jua yang menggugat keselamatan negeri dan negara kami.

Ya Allah, Dengan inayah-Mu kami pohonkan kerahmatan dan kesejahteraan untuk semua pemimpin dan pejuang kemerdekaan tanahair yang masih hidup, serta cucurilah rahmat dan keampunan ke atas roh mereka yang telah meninggal dunia. Tempatkanlah mereka bersama hamba-hambaMu yang soleh dengan penuh kemuliaan.

Ya Allah, kami memohon peliharaan ihsan-Mu ke atas Duli Yang Maha Mulia Seri Paduka Baginda Yang DiPertuan Agong dan Duli Yang Maha Mulia Raja Permaisuri Agong, serta Kebawah Duli Yang Maha Mulia Al-Wathiqu Billah Sultan Mizan Zainal Abidin Ibni Al Marhum Sultan Mahmud Al Muktafi Billah Shah dan juga Sultanah Nur Zahirah, Sultanah Terengganu.,

Ya Allah, kami memohon peliharaan ihsan-Mu jua ke atas Yang Amat Berhormat Perdana Menteri Malaysia, Yang Amat Berhormat Menteri Besar Negeri Terengganu, semua pemimpin Kerajaan Negeri dan Persekutuan serta seluruh rakyat dan para hadirin sekalian.

Ya Allah! Berkatilah malam yang bersejarah ini, berkatilah segala pendengaran kami, penglihatan, dan jiwa raga kami. Kami memohon keampunan di atas segala kesalahan kami. Sesungguhnya Ya Allah, Engkau Maha Pengampun lagi Maha Adil.

اللَّهُمَّ وَفَّقْ سَائِرَ الْعَمَالِ وَالْمُلُوكِ وَالْأُمَرَاءِ لِرِعَايَةِ أُمُورِ الدِّينِ وَالْمُحَافَظَةِ  
عَلَى حُقُوقِ الْمُسْلِمِينَ وَإِقَامَةِ الْعَدْلِ فِي الْأَحْكَامِ، وَالتَّمَسُّكِ بِفَضَائِلِ  
الْإِسْلَامِ. اللَّهُمَّ وَأَصْلِحْ بِهِمْ شُؤْنَ الْأُمَّةِ الْمُسْلِمِينَ، حَتَّى تَتَرَقَّى وَتَتَقَدَّمَ  
إِلَى أَعْلَى مَا يَتَحَقَّقُ بِهِ بُلُوغُ الْأُمْنِيَّةِ. اللَّهُمَّ وَاَنْصِرْنَا مَعَاشِرَةَ هَذِهِ  
الْأُمَّةِ وَاهْدِنَا وَسَدِّدْنَا خَيْرَ الْبَرِيَّةِ وَاهْدِنَا الصِّرَاطَ الْمُسْتَقِيمَ صِرَاطَ  
الَّذِينَ أَنْعَمْتَ عَلَيْهِمْ مِنَ الْأَنْبِيَاءِ وَالصِّدِّيقِينَ وَالشَّهَدَاءِ وَالصَّالِحِينَ.  
اللَّهُمَّ اكْشِفْ عَنَّا الْكُرْبَاتِ وَسَلِّمْنَا مِمَّا فِيهِ مِنَ الْآفَاتِ، وَاحْفَظْنَا مِنْ  
كُلِّ سُوءٍ وَمَلَامٍ، وَبَلِّغْنَا كُلَّ مَقْصُودٍ وَمُرَامٍ، وَأَصْلِحْ بَيْنَنَا وَبَيْنَ غَيْرِنَا  
حَتَّى نَكُونَ فِي أَمَانٍ وَسَلَامٍ، وَفَرِّجْ عَنَّا كُرْبَاتِنَا فَرَجًا عَاجِلًا بِرَحْمَتِكَ  
يَا أَرْحَمَ الرَّاحِمِينَ. اللَّهُمَّ احْفَظْنَا بِالْإِسْلَامِ قَائِمِينَ، وَاحْفَظْنَا بِالْإِسْلَامِ  
قَاعِدِينَ، وَاحْفَظْنَا بِالْإِسْلَامِ رَاقِدِينَ، وَلَا تُشْمِتْ بِنَا أَعْدَاءَ وَلَا حَاسِدِينَ.  
رَبَّنَا لَا تَجْعَلْنَا فِتْنَةً لِّلْقَوْمِ الظَّالِمِينَ، وَنَجِّنَا بِرَحْمَتِكَ مِنَ الْقَوْمِ الْكَافِرِينَ.  
رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا عَذَابَ النَّارِ. وَصَلَّى  
اللَّهُ وَسَلَّمْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ أَجْمَعِينَ وَالْحَمْدُ لِلَّهِ  
رَبِّ الْعَالَمِينَ.